


2

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY.

JAN 22 1960

T2096.6/3833D





光為終始觀天佗識缺降升斗星隨日九變與時消

息規槩三光四靈在廟存想丹田大一炁房道成身

化蟬蛻渡世自羲農以來缺為聖者佗師班固以孝

子絕聖棄知禮為亂首與仲尼道違述漢書古今人

表檢以法度抑而下之老子缺與楚子西同稱林衣

及孫卿孟軻二者之論殊矣所謂道不同不相為謀

也延熹八年八月甲子

皇上尚息知道舍闕光大存神養性意在凌雲是以

替心黃軒同符高宗夢見老子尊而祀之于時陳相



光為終始觀天化識

缺

降什斗星隨

明丸變與時補

息規渠三光四靈在兩存想丹田大

紫房道成身

化蟬蛻渡世自羲農以來

缺

為聖者佗師班固以老

子絕聖棄知禮為亂首與仲尼道違述漢書古今人

表檢以法度抑而下之老子

缺

與楚子西同科林不

及孫卿孟軻二者之論殊矣所謂道不同不相為謀

也延熹八年八月甲子

皇上尚息弘道舍闕光大存神養性意在凌雲是以

潛心黃軒同符高宗夢見老子尊而祀之于時陳相



邊韶典國之禮材薄思淺不能測度至人辯是非與非  
 案據書籍以為老子生於周之末世玄虛守靜樂無  
 名守不怠危高官安下位遺孔子以仁言辟世而隱  
 居變易姓名唯恐見知夫日以幽明為節月以虧盈  
 自成損益盛衰之原倚伏禍福之門人道惡盈而好  
 謙蓋老子勞不定國功不加民所以見隆崇于今為  
 時人所享祀乃昔日逃祿處微損之又損之之餘眚  
 也顯虛无之清冢云先天地而生乃守真養壽獲五  
 福之所致也敢演而銘之其辭曰

於惟缺息抱虛守清樂居下位祿執弗營為繩能直  
 屈之可縈三川之對舒憤散逞陰不填陽孰能滯并  
 見機而位需郊出坳肥遁之吉辟世隱聲見迫遺言  
 道息之經譏時激喻尋顯推冥守一不失為天下正  
 處厚不薄居實舍榮稽式為重金玉是輕絕嗜去欲  
 還歸於嬰皓然歷載莫知其情頗違法言先民之程  
 要以无為大缺用成進退无恒錯綜其貞以知為愚  
 冲而不盈大人之度非凡所訂九等之敘何足累名  
 同光日月合之缺星出入丹廬上下黃庭背棄流俗



舍景匿形苞元神化呼吸至精世不能原印其永生  
天人秩祭以昭厥靈羨彼延期勒石是旌

右老子銘篆額在亳州苦縣苦屬陳國故其文陳  
相邊韶所作碑云延熹八年八月帝夢老子尊而  
祀之帝紀此年春冬兩遣中常侍至苦祠老子水  
經載蒙城王子喬碑亦云延熹八年八月帝遣使  
致祠國相王璋乃銘紀遺烈蓋威宗方脩神仙之  
事故一時郡國競作碑表此石立於延熹无疑杜  
子美云苦縣和尚骨立者誤也碑中多用大史

公語唯眇然老旄之說不同韶以老子與子西同  
科深詆班孟堅之失至於韓非同傳則又置而不  
論何也碑云孔子學禮於老子時年十有七按世  
家孔子年十七孟釐子病誠其嗣必師孔子故孟  
懿子與南宮敬叔往學焉其次又云敬叔與孔子  
適周見老子詳史之所記初非一年中事况孟釐  
子卒在魯昭公二十四年孔子蓋年三十有五矣  
韶不詳究史家之指而誤用之何貴乎五經笥也

碑以浴神為谷神旄与耄同渡与度  
同林与纜同繫与累同冢与寂同



楚相孫叔敖碑

舊碑缺五十餘字此用續刻者故其文全

楚相孫君諱饒字叔敖本是縣人也六國時期思屬楚楚都南郢南郢即南郡江陵縣也君受純靈之精懷絕世之才有大賢次聖之質少見叔首蛇對其母泣吾將死母問其故曰吾聞見叔首蛇者死今日見之母曰若奈之何吾熬行數十步念獨吾死可空復令他人見之死為曰埋掩其刑母曰若無憂焉其陰德玄善遂為父母九族所異及其為相布政以道孝文象之度敬授民時照藏於山殫物於藪宣導川谷

波障源淥溉灌坂澤堤防湖浦以為池沼鍾天地之美收九罙之利以愍潤國家家富人喜優嗜樂業秩序在朝野無蟻侮豐年蕃庶人有曾閔貞孝之行四民美好從容中節高梱改幣一朝而化其憂國忘私乘馬三車不別牝牡繼高陽重藝五舉子文之統其忠信廉勇禮樂文章軌儀同制其富國充民明天時盡地力寔堅禹稷不能踰也專國權寵而不榮華一旦可得百金至於歿齒而無分銖之蓄破玉玦不以寶財遺子孫終始若矢去不善如絕罔辟患害於無



刑衛節高義敦良奇介自曹臧孤竹吳札子罕之倫  
不能駮也生於季末仕於靈王立溷濁而澄清處幽  
晦而照明其遺武餘與懼不與戲皇帝代同世世為  
列姪國在朝廷其意常墨墨若冠章甫而望塗炭也  
病甚臨卒將無棺郭令其子曰優孟曾許千金償吾  
孟楚之樂長與相君相善雖言千金實不負也卒後  
數年庄王置酒以為樂優孟乃言孫君相楚之功即  
怏慨商歌曲曰貪吏而可為而不可為廉吏而可為  
而不可為貪吏而不可為者當時有汙名而可為者  
子孫以家成廉吏而可為者當時有清名而不可為  
者子孫困窮披褐而賣薪貪吏常苦富廉吏常苦貧  
獨不見楚相孫叔敖廉潔不受錢涕泣數行若缺首  
王王心感動覺悟問孟孟具列對即求其子而加封  
焉子辭父有命如楚不忘亡臣社稷缺而欲有賞必  
於潘國下濕堯堉人所不貪遂封潘鄉潘即固始也  
三九無嗣國絕祀廢固始令段君夢見孫君則存其  
後就其故祠為架廟屋立石銘碑春秋烝嘗明神報  
祚即歲遷長掖大守及期思縣宰段君諱光字世賢



魏郡鄴人庶慕先賢體德允恭篤古尊舊奉履憲章  
 欽翼天道五典興通文藉祭祠祇肅神明臨縣一載  
 志在惠康丞枯粟之愛育藜蒸討掃醜類鰥寡是矜  
 枉偽養善是忠表仁感想孫君廼發嘉訓興祀立壇  
 勤勤愛敬念意自然刻石銘碑千載表績萬古標記  
 福祐期思縣興士熾孫氏蒙恩

漢延熹三年五月廿八日立

石楚相孫君之碑隸額今在光州延熹三年固始  
 令段光為叔敖作廟所立昔楚莊王朝而晏罷樊

姬因言虞止子之非虞止乃薦叔敖代已而去楚

國區區前有虞止後有孫尉其內又有樊姬莊王

雖欲不霸得乎左氏傳載為敖為艾獵杜預皆以

為叔敖它書但云孫叔敖此碑獨言其名饒未知

何據高相改幣乃孫尉革故易俗之事左傳所云

君子小人物有服章亦是類也蛇有二首謂之枳

首枳讀如枝亦曰岐首此云枝首蓋是借用鼃錯

倪寬史家亦用朝与兒字此以伍舉作五舉以庭

堅作寔堅豈古亦通用乎

碑中以刑為形以波為  
 陂以拭為式以俯為贊



以藥為黎以駮為參以墨為默以郭為樽以  
長掖為張掖泉添水而為淥澤去水而為單孫叔  
以忠清相楚不以寶財遺子孫玉玦尚猶破之蓋  
季文子公儀休之倫也云亾未幾妻子至於披褐  
賣薪楚廷非无左右大臣塗其耳而不聞卷其舌  
而不談慷慨悲歌感寤主聽乃一伶人爾豈樊姬  
已死而叔敖薦進之士不逮虞丘乎三九無嗣者  
无相繼為三公九卿也

又廣聚游野螟處塗遷解  
即質聚游野螟處塗遷解

### 孫叔敖碑陰

延熹三年歲左字缺二中夏之節政左封表期恩長光

視事一紀訪問國中耆年舊齒素聞孫君楚時良輔  
本起此邦垂名於後博求遺苗曾玄孫子考龜吉辰  
五月辛卯宜以存廢可立碑祀招請諸孫都會國右  
郭西道北處所顯好興上宰祭倡優鼓儻式序其曹  
授之端首先以不肖貪追賢烈以自榮寵時丞左馮  
翊姓如諱武尉京兆周陵詳集共造戶曹掾裒騰令  
史許松

相君有三嗣長子即封食邑固始少子在江陵中子  
居三缺靈缺業績村二宗則其苗曹也相君卒後



十有餘世有渤海大守字武伯武伯有二子長子字  
 伯尉少子字仲尉仕郡為掾史伯尉有一子字世伯  
 舉江夏孝廉城門候仲尉有二子長子字孝伯荊州  
 從事弟世信仕字缺二掾功曹會平哀之間宗黨為賊  
 寇所敗世伯孝伯世信各遺一子財八九歲微弱  
 不能仕學世伯子字子仲治產於續靈有六男一女  
 大子字長都次子蘭卿次第字仲陽次第字姓通次  
 弟字衛公次第字劉卿此續宗六父也孝伯子字文  
缺亦不仕學治產於材靈亦有六男一女大子字惠

明次第字次卿次第字聖公次第字稚卿次第字彦  
 卿次第字少都此材宗六父也世信一子相承季陵  
 文卿孝公此缺靈一父別其高祖與材高祖父親兄  
 弟孫氏宗族別缺謹紀也

右孫林教碑陰此陰与前碑皆延熹三年五月所  
 作前云臨縣一載此云視事一紀盖以一紀為一  
 年爾段光宦君子之鄉懷良輔之美訪問耆舊博  
 求遺苗卜擇令日興廟植碑招集諸孫倡樂高會  
 又以其雲來長幼之序仕學生產之實刻于碑之



陰雖自譜其家者亦不如是之詳也

績即繚字效即殺字誼即

字譜

### 仙人唐公房碑

君字公所成固人蓋帝堯之

字缺十

之故能舉家

字缺五

去上陟皇耀統御陰陽騰清躡浮命壽無疆雖王公

之尊四海之富曾

字缺五

毛天地之性斯其至貴者也

耆耆相傳以為王美居攝二季君為郡吏

字缺四

土域

啖瓜旁有真人左右莫察而君獨進美瓜又從而敬

禮之真人者遂與

缺

期聲谷口山上乃與君神藥曰

服藥以後當移意萬里知鳥獸言語是時府在西成

去家七百餘里休謁往涿轉景即至闔郡驚焉白之

府君從為御史舁輜車被具君乃畫地為獄召冒

誅之視其腹中果有被具府君

缺

賓燕欲從學道公

所頃無所進府君怒勅尉部吏收公所妻子公所乃

先歸於谷口呼其師告以危急其師與之歸以藥飲

公所妻子曰可去矣妻子孿家不忍去又曰豈欲得

家俱去乎妻子曰固所願也於是乃以藥塗屋柱飲

牛馬六畜須臾有大風玄雲來迎公所妻子屋宅六



畜脩然與之俱去昔高松崔白皆一身得道而公所  
 舉家俱濟盛矣傳曰賢者所存澤流百世故使聾鄉  
 春夏毋蚊蚋秋冬鮮繁霜癘蠱不遐去其螟蠹百穀  
 收入天下莫知斯德祐之效也道牟羣仙德潤故鄉  
 知德者鮮歷世莫紀

漢中大守南陽郭君諱芝字公載脩北辰之政馳周  
 邵之風歆樂唐君神靈之美以為道重者名邵德厚  
 者廟尊乃發嘉教躬損奉錢倡率羣義繕廣斯廟  
 和祈福布之地民刻石昭音揚君靈譽其辭曰

上缺

遂享神樂超浮雲兮

下缺

碑陰

故江陽守長成固楊晏字平仲東部督郅成固左介  
 字元術故江陽守長南鄭楊銀字伯慎處本南鄭祝  
 龜字元靈司徒掾南鄭祝楊字孔達處本南鄭祝岱  
 字子華故益州從事南鄭祝忱字子文處本南鄭祝  
 恒字仲華處本南鄭祝朗字德靈處本南鄭祝崇字  
 季舉大守史南鄭祝榮字文舉大守史南鄭趙英字  
 彦才處本南鄭劉通字海缺故襄中守尉南鄭趙忠



字元楚

字缺二

南鄭楊鳳字孔鸞

右仙人唐君碑篆額漢中太守郭芝立今在興元  
 唐君字公房王莽時人也博物志云城固縣壻鄉  
 有唐公昉得道雞犬皆升仙惟以鼠有惡不得去  
 鼠自悔每月一吐其腸胃更生謂之唐鼠摠仙錄  
 所引博物志又云鼠至空中自墮腸出一月三易  
 故山中有拖腸鼠水經云智水川有唐公房祠公  
 房入雲臺山合丹服之白日升天雞鳴天上狗吠  
 雲中以鼠惡留之鼠乃感激以月晦日吐腸胃更

生公房升仙之日壻行未還不獲同階雲路約以

此川為居言无繁霜蛟虎之患其俗因号為壻鄉

二說唯鼠事小異神仙錄則云神仙李八百為公

房家傭偽作惡瘡使公房夫婦及三婢舐之又索

美酒三十斛浣瘡因以餘酒浴公房夫婦顏色更

少授以丹經一卷公房入雲臺山作藥藥成服之

仙去其說俱異唯鍊丹雲臺与水經同爾後漢志

云襄中有唐公防祠盖隸法房字其户在側故人

多不曉或作防或作昉皆誤也

美即莽字聲即壻字胃即鼠字孿即



戀字

張公神碑

惟和平元年正月

字缺二

朝歌長鄭栢造

缺

張公建

缺

良

缺之山運置綦陽刊齒涿摩立左右闕表神道

缺

豎碑廟堂之前到五月

字缺二

乃成長

字缺二

之銘勒神

懿光祕後昆其辭曰

於穆張公舍和泰清受符皇極乾剛川靈何天之休

元亨利貞無

字缺二

貴神耀洞

字缺二

度

缺

泉殿商北垆

鬱朝綦陽厥土敞平芝草茂木瀟瀟滋榮羣萌勲矣

激川通

字缺三

懷

字缺八

廟克儉損盈詔命有司祭以中

牲歲聿再慶公其饗零興來億載歷數萬君

字缺七

太

字缺二

顯猶昭拂英勲

缺

錫介福惠此吏民國無灾寢

屢獲豐年

皇帝眉壽于祿于天收守皆升握台輔辰長與丞尉

超遷相回休

缺

烈烈無

字缺三

臨犁陽營謁者李君

畏敬公靈好鄭長文澈奉佐工悃愍勤

缺吏

字缺三

燾且惶作歌九章達李君頌公德芳其辭曰綦

水湯湯揚清波東疏

缺

折

缺于河

字缺五

朝歌縣以繫



靜無穢瑕公缺守相駕蜚魚往來愆忽遂熹娛祐此

北民寧厥居出自綦字缺四松栢鬱茂蘭公字缺二神

往來乘浮雲種德收福惠斯民家饒戶富無缺貧豐

界家靜和睦缺朝歌蕩陰及犁陽三女所處各殊

方三門鼎列推其鄉時攜甥姪歸候公夫人字缺三容

字缺五饗缺觴穆風屑兮起壇旁樂吏民兮永未央

鹿呦呦兮字缺二庭文樂樂兮字缺三飲清泉兮字缺三見

缺伏兮不駭驚惟公德兮之所寧上陵廟兮助三牲

天時和兮甘露冷日晡缺兮無虧傾字缺二蜚兮朱

鳥棲字缺二榮兮鳴啾啾戴鵠勦兮乳徘徊給御卵兮

戲于西惟公德兮之所懷池水缺兮釣臺祭四角

樓兮臨深澗魚岌岌兮踊躍見振鱗尾兮游盱盱時

釣取兮給亨馘惟公德兮之所行粟蕭艾兮藁鋪

陳新美萌兮香苾苾蕙草生兮滿園田競苔茗兮給

萬錢惟公德兮之所缺門堂鬱兮文燿光公神赫

兮坐東方明暴視兮儼印印夫人缺女兮列在旁陳

君處北兮送官缺車騎駱驛兮交錯重乘輓輅兮駕

蜚龍駮白鹿兮送仙僮游北嶽兮與天通玄碑既



立雙闕建号字缺四大路畔号亭長閣字缺二扞難号列

種槐梓方茂爛号天下遠近缺不見号公神日著聲

洞漏号字缺二乾川傳億萬号

臨犁陽營謁者豫章南昌李朝伯丞左馮翊夏陽趙

寵德雅朝歌長穎川陽城鄭栢伯林左尉京北下缺

水字缺二陽里郭虞子下缺扶風安陵字缺二昭公歿士

魏君缺封缺仲舉歿士魏君犁陽字缺四

右張公神碑隸額在黎陽威宗和平元年立碑云

朝歌長鄭栢為張公建闕作碑銘勒神懿監黎陽

營謁者李君好鄭之文既徹俸佐工又作歌九章

刻之石斂剝不明僅能辨其梗槩其辭依放離騷

頗亦適雅可觀詩中再稱其夫人又云朝歌蕩陰

及黎陽三女所歿各殊方三門鼎列推其鄉時攜

甥幼婦候公不知張公是何神也漢志注云世祖

以幽并州兵騎定天下故於黎陽立營以謁者監

之碑以綦為淇涿摩為琢磨勒為巢僅為僮漏為編盈即盈字慶即薦字宥即宗字以水之字皆

文作篆

三公山碑



封龍君 靈山君

上缺分氣建立乾川乾為物父川為物母運生六子

缺二為缺 且土為山字缺二 風雨天有九部地有八極

天地通缺 神明別序州有九凶字缺 成土北缺 之凶

缺 升缺 阻上為祈首舍缺 陰寶南彌三公厥體嵩厚

峻極于天鼎足帝缺二 郡宗祀缺 奉字缺三 公嘉佑缺

為形地觸石缺 雲不崇而雨陰缺 氛廓莫不字缺二 德

配五岳王公所緒四時珪璧月醮酒脯缺 公降靈六缺

字 得志列缺 羣后或在王庭輔翼聖主颺雨時降和

其寒暑丰豐歲稔介我稷黍倉府既盈以穀士女二缺

字 得進陳其鼎俎黃龍白虎伏在山所禽字缺二 億

兩為耦草木暘茂巨刃不斲下民却禁順時而取皆

受德化非性能者顛明公垂恩罔極保我國君羣黎

百姓缺 受元恩光和四丰歲在辛酉四月缺 亥朔二

日甲子元氏左尉上郡白土樊瑋字子義瑋缺 要二缺

字 陵側陋出逆幽谷遷于喬木得在中州尸素食祿

缺 以弱缺 歸于缺 族缺 明缺 謹缺 以缺 足觀聽字缺二

道無拾遺消杆缺 難路無怨讟得應廉選貢名王室

隸釋 卷第三 一六



靈祇福祉施出缺冊於是感恩缺二立銘勒石乃位

頌曰

儼儼明公民所瞻兮山缺窈窕石巖巖子高倉缺二

候羣神兮興雲致雨除民患兮長吏肅菴缺二心兮

四時奉祀柔稷缺兮缺用缺五兮百姓家給國富殷

兮仁愛下下民附親兮遐邇攜負來若雲兮或有薪

采投輻檀兮或有缺鬼阻出缺兮或有缺四耘子或

有隱遁辟語言兮或有恬淡養皓然兮或有呼吸求

長存兮改行喙息皆缺恩兮缺佑樊瑋出谷遷子封

炭食色傳子孫兮刻石紀德示後昆兮永永不缺億

載年兮

舉將南陽冠軍君姓馮諱巡字季祖缺脩六經之要

析缺二出歷受命北征為民父母攘去寇缺用无

缺越竟民移俗改恭肅神祇敬而不怠皇靈缺

佑風雨時節農缺執耜或耘或芋童妾壘饁敬而賓

之稼穡穰穰穀至缺錢對粟如火咸裒仁心君姿前

詰喬札季文薦缺稂秀不為苛煩愍俗陵遲缺二咨

缺山無隱士藪無逸民裒道以德慕此缺二百姓歐



歌得我惠君功參周邵受祿考天長履景福子子孫

缺長史甘陵甘陵夏方字伯陽令京北新豐王翊字

元輔丞河字缺二武李缺字公興 石陟劉元存

右三公之碑隸額兩旁又有封龍君靈山君六隸

字頗大郡國志常山國元氏注云有石塞三公塞

所謂三公塞即此山也石塞即白石山也白石碑

云縣界有六名山三公封龍靈山先得法食无極

山碑載光和詔書出元氏縣錢給三公山四時祠

具又云三公山与龍靈山无極山共興雲雨盖封

龍与靈山是兩山之名揭其神於額之旁者即是

配食三公之祠故碑中有鼎足之文也頌云儼儼

明公民所瞻考碑云願明公垂恩罔極保我國君

盖以明公稱山之神而謂國相為國君也此碑光

和四年左尉樊子義立頌末有樊君徼福之句而

讚美舉將馮巡幾二百言馮君乃常山相也頌者

先公太師以使事為北方所留紹興癸亥年政地

王次翁使至燕 先公鬲垣墻与驛中人語為覘



者所得賴副留守高吉祥之力脫縲紲而歸予之  
出疆也高之子嗣先相廷勞以先世之故並轡殊  
從容嘗諉其訪尋中原古剎云北人所不好市无  
粥碑者及道過真定顧瞻名山三嘆而已碑以伋  
為黎叔為菽秀為莠遲為遲歐為謳鼎即鼎字柔  
即黍字死即凶字芋即籽字壘即壘字襄即懷字

### 無極山碑

光和四年缺月辛卯朔廿二日壬子大常臣既承敏  
頓首上

尚書謹案文書男子常山蓋高上黨范遷詔缺三為

元氏三公神字缺一本初元年二月癸酉光和二

月戊子詔書出其縣錢給四省祠具去年五月常山

相巡遣吏王勲三缺弘衰詣三公山請雨山神即使

高傳言令勲衰歸缺雨可得三公山即與龍靈山無

極山共興雲交兩國相巡元氏令王翊各白芊塞神

山復使高與遷及縣吏和卞令俱詣大常為無極山

神崇灑食比三公山臣疑高遷言不實輒移本國缺

覈今常山相書言部督郵書掾成熹參訊實問熹縣

令翊各言無極山與元隆俱生卞上至體可三里所



立石為體二丈五尺所政南缺上封青下黃白色前

政平可布兩大席山周帀廿餘在西南世里縣界有

名山其三公封龍靈山皆得法食每長吏祈福吏民

禱告如言有驗乞合無極山比三公封龍靈山祠缺

七牲出用王家錢小費蒙大福尊神呂珪璧為信臣

愚旨為如巡言為民來福呂祠祀為本請少府給珪

璧本市祠具如癸酉戊子詔書故事報臣耽愚顛頓

首頓首上

尚書

制曰可

大尚承書册事

上缺月十七日丁丑尚書令忠奏雒陽宮

光和四年八月辛酉朔十七日丁丑尚書令忠下

光和四年八月辛酉朔十七日丁丑大常耽承敏下

常山相缺册事下承缺用者如詔書書到言

昔在禮燕國有名山能昇材用興雲出雨為民來福

除典則祀元氏縣有先昔三公封龍靈山已得法食

而獨未先和四年二月所子大男盖高上黨范遷奏



記大常大常下郡國相南陽馮府君咨之前志缺問  
 者僂僂呂為寔神且明每國縣水旱及民疾病禱祈  
 輒應昔有報又有終南之敦物与岱崇之松及楊虺  
 之棧缺條蕩焉村用於是乎出官民於是乎給左禮  
 秩祀有功必報今昔無極山應灋食誠其宜且於是  
 言大常奏可其年八月丁丑詔書聽其九月更造神  
 廟恢拓祠宮置吏犧牲制月醮昔祠禮与三山同  
 乃立碑銘德頌山之神焉其詳白

巖巖無極厥體巍巍缺嵩缺萬常缺灋缺梯浚谷干刃

窈窕凸隈楸林蕊毒倉氣蔚伊缺石硯礙躡缺階灌

遙望儼然即就有威觸石膚寸興雲祁祁雨我公田  
 遂及我私百穀用成家有其資禱禳請祈應速不迟

鳥獸艸木蕃茂隆缺猥神為之哀欽案礼英咨古

遺則功加丐民官報其德今備七牲珪璧法食改館

興廟恢拓宇室增益吏設恭君下職月醮昔祀肅桓

齊壺缺必博碩酒必嘉榘染盛馨香如禮不失額君

歆享降福孔缺官民禱祈僉缺密勿有旨禳解報應

可必缺灋食將祐我君我君高缺衆多子孫君其



遺度副稱額云

常山相南陽冠軍馮巡字季祖長史潁川缺申屠

字缺二元氏令京北新豐王翊字元輔丞河內缺五

左尉上郡白土字缺二祠祀掾缺賢廉香缺掾

和字缺五祠仁德掾樊泚史吳宜小吏吳黑

光和四年十月十三日字缺二石階字缺二造

右無極山碑篆額在真定此山与三公山封龍山

靈山白石山皆在元氏男子盖高范遷援三公龍

靈有請於太常乞官給珪璧四時祠具詔從之吏

民更造廟宇而立此碑靈帝光和四年也蔡質漢

官典儀曰司隸城門校尉上尚書言頓首上下言

誠皇恐頓首上謂者上尚書頓首死罪上下言誠

皇恐頓首死罪上今所有者史晨樊毅兩碑皆用

謂者式与蔡說合惟此碑其后但再稱頓首又太

常稱臣而丞不稱莫詳其制碑云有終南之敦物

岱宗之松楊越之篠蕩盖以敦物為終南所產与

松篠同科今經史多作惇物注云山之名也顏之

推謂詩之有滄萋萋興雲祁祁當是興雨趙氏据



此碑云漢以前本皆作興雲因顏氏改之予按左  
雄傳已作興雨祁祁則漢代言詩者自不同由唐  
以來定本始以興雨為正非因顏氏也碑以塞為  
賽央為殃  
條為篠刃為仞番茂為蕃茂灑即法字霰即霰字  
元隆即天地字卍即從字慙即慙字拓即拓字棧  
即杵字便即叟字左  
傳趙使傳使是也

### 白石神君碑

蓋聞經國序民莫急於禮禮有五經莫重於祭祭有  
二義或祈或款款以章德祈以弭害古先哲王類帝  
禋宗望于山川徧于羣神建立地域脩設壇屏所以

昭孝息民輯寧上下也白石神君居九山之數參三  
條之壹兼將軍之號秉斧鉞之威體連封龍氣通北  
嶽幽讚天地長育萬物觸石而出膚寸而合不終朝  
日而澍雨沾洽前後國縣屢有祈請指日刺期應時  
有驗猶自抱損不求禮秩縣界有六名山三公封龍  
靈山先得法食去光和四年三公守民蓋高等始為  
無極山詣大常求法食相縣以白石神君道德灼然  
乃具載本末上尚書求依無極為比即見聽許於是  
遂開拓舊地改立殿堂營宇既定禮秩有常縣出經



用備其犧牲奉其珪璧絜其粢盛旨酒欣欣燔炙芬  
芬敬恭明祀降福孔殷故天無伏陰地無魚鱉陽水無  
沉氣火無灾燂時無逆數物無害生用能光遠宣朗  
顯融昭明年穀歲熟百姓豐盈粟什五錢國界安寧  
尔乃陟景山登崢嶸采玄石勒功名其辭曰

巖巖白石峻極大清皓皓素質因體為名惟山降神  
旣士挺生濟濟俊乂朝野充盈灾害不起五穀孰成  
乃依無極聖朝見聽遂興靈宮于山之陽營宇之制  
是度是量卜云其吉終然允臧匪奢匪儉率由舊章

華殿清閑肅雍顯相玄圖靈像穆穆皇皇四時禋祀  
不愆不忘擇其令辰進其馨香犧牲玉帛黍稷稻糧  
神降嘉祉萬壽無疆子子孫孫永永蕃昌

光和六年常山相南陽馮巡字季祖長史潁川申屠

熊缺三元氏令京兆新豐王翊字元輔丞河南李邵

左尉上郡白土樊璋祠祀掾吳宜史解微石師王明  
右白石神君碑篆額在真定靈帝光和六年立前  
二年盖高等援三公封龍靈山請于朝為无極山  
得法食至是常山相馮巡元氏令王翊復具白石



本末求依無極為比朝廷聽許遂開拓殿宇琢石  
勒碑其文有云居九山之數參三條之一趙氏莫  
曉三條為何語按尚書正義曰從導岍至敷淺原  
舊說以為三條地里志云禹貢北條之荆山則在  
馮翊懷德縣南條之荆山則在南郡臨沮縣是舊  
有三條之說也故馬融王肅皆以導岍為北條西  
傾為中條岍冢為南條自岍山之南至敷淺原別  
以岍山為首不與大別相接則岍非三條也穀阮  
碑云中條之山者蓋華嶽之體南通商雒以屬熊

耳其文與正義合漢人分隸固有不工者或拙或  
怪皆有古意此碑雖布置整齊略無纖毫漢字氣  
骨全與魏晉間碑相若雖有光和紀年或后人用  
舊文再刻者爾碑以番昌為蕃  
昌拓即拓字



隸釋卷第三

隸釋

卷第三

三五



隸釋卷第四

蜀郡守何君閣道碑 青衣尉趙君羊竇道碑

司隸楊君石門頌 廣漢長王君石路碑

武都守李翕西狹頌 李翕龜池五瑞碑

李翕析里橋邨閣頌 桂陽守周憬功勳銘

并陰

蜀郡太守何君閣道碑

蜀郡太守平陵何君遣掾臨邛舒鮪將徒治道造尊  
健閣衰五十五丈用功千一百九十八日建武中元  
二年六月就道史任雷陳春主



右蜀郡太守何君閣道碑光武中元二年刻此碑  
蜀中近出毗陵胡世將承公好藏金石刻紹興已  
未年帥蜀尚未見之東漢隸書斯為之首字法方  
勁古意有餘如瞻冠章甫而衣逢掖者使人起敬  
不暇雖敗筆成冢未易窺其藩籬也蜀人以為尊  
榘閣碑棧路謂之閣道非樓閣之閣也邛犍九折  
坂蓋其地華陽國志云道至險有長嶺楊母閣之  
峻昔楊氏倡造作閣故名焉范書光武之紀辛二  
曰建武曰中元祭祀志云以建武三十二年為建

武中元元年宋莒公紀年通譜云紀志俱出范氏  
而所載不同必傳寫脫誤學者失於精審以意刪  
去梁武帝大同大通俱有中字是亦憲章於此司  
馬公作通鑑不取其說葉夢得少蘊避暑錄云韓  
玉汝家有一銅料其銘云新始建國天鳳上戊六  
年紹興中郭浩知金州田夫耕得一鉏其銘云新  
始建國地皇上戊二年予案王莽始建國之后改  
天鳳又改地皇二器与碑特相類殆莽漢之際習  
俗相尚以即位初元冠於新曆之上故此碑有建



武中元之文漢志亦采取一時所記失於筆削爾  
東夷傳云建武中元二年倭奴國奉貢蓋与志同  
青衣尉趙孟麟羊竇道碑

羊竇道舊故南上高山下人

字入

深谷危駁回遠百姓

患苦永初六年青衣尉南安趙孟麟交易由此道濱  
江平澤無盜賊差近廿里騎馬僂負水弱得過除去  
危難行人萬姓莫不蒙恩傳于無窮乎

維世青衣尉趙君故治所書佐郡督郵隨牒除到  
六日郡召南蜀鐵向長積四月治狀办明造守成都

今復還歸尉向羊竇故道高危君受竇

字穿

崖易道盜

賊徵止老弱往來無患時興

字典

主通道者積裕故吏

梁汜捕盜賊王留百姓過者皆蒙恩君延壽萬年

書此盛巨永元十一月九日造

右青衣尉趙君羊竇道碑亦近歲始出於眉州趙  
君字孟麟以安帝永初六年穿崖易道行人去危  
即安故刊石以志其事字畫甚拙非何君閣道碑  
之比嘉州夾江縣又有磨崖四百餘字云平鄉明  
亭大道北与茂陽西与青衣越嶲通界回曲危險



扶風王君為民興利除害遣掾何章修治故書崖  
以頌之蓋和帝永元八年也筆札亦拙又崖石增

長字體失真无可取者

碑以徵為懲駁即峻字更即更字儋即擔字過即過

司隸校尉楊孟文石門頌

華陽國志楊君名渙

惟以靈定位川澤股躬澤有所注川有所通余言之  
川其澤南隆八方所達益域為充

高祖受命興於漢中道由子才出散入秦建定帝位

以漢詆焉

字焉

後以子才塗路此難更隨圍台復通堂

充凡此四道城高无

字尤

難至於永平其有四事詔書

開余鑿通石門中遭元二西夷電殘槁梁斷絕子才

復循上則縣峻屈曲深巔下則人

字入

真字真廩寫輸淵

平阿涼泥常蔭鮮晏木石相距利磨確略臨危槍錫

履尾心寒空輿輕騎遶鼻弗前憲虫幣狩蛇蝮毒螭

未秋截霜稼苗反

字天

殘終丰不登價饑之患卑者楚

憲尊者弗安愁苦之難焉可具言於是明知故司隸

校尉棐為武陽楊君厥字孟文深執忠伉數上奏請

有司議駁君遂執爭百遠咸從帝用是聽廢子由斯

得其度經功飭爾要啟而晏平清涼調和烝二艾寧



至建和二車仲冬上旬漢中太守捷為武陽王升字  
稚紀涉歷山道推序本原嘉君明知美其仁賢勒石  
頌德以明厥勲其辭曰

君德明二熒煥彌光刺過拾遺厲清八荒奉魁承杓  
綏億衛疆春宣聖日秋貶若霜無偏蕩二真雅以方  
寧靜丞庶政與乾通輔主匡君循禮有常咸曉地理  
知世紀綱言必忠義匪石厥章厥弘大節謹而益明  
揆注卓今謀合朝情醜艱即安有勲有榮禹鑿龍門  
君其繼縱上順升斗極下答以皇自南自北四海彼

通君子安樂庶土

士

悅靡商人咸懽農夫永同春秋

記異今而紀功垂深億載世二嘆誦

序曰明哉仁知豫識難易原度天道安危所歸勤二

竭誠榮名休麗

五官掾南鄭趙邵字季南厲襄中毘漢疆字產

伯書佐西戎王式字文寶主

王府君閔台道

缺

難分置六部道攝特遣行承事西

戎輔服字顯公都督掾南鄭魏整字伯玉後遣趙誦

字公梁案察中曹卓行造作石積萬世之基或解高



格下就平易行者欣然焉

伯玉即日造署行承事守安陽長

右故司隸校尉掾為楊君頌隸額在興元威宗建和二年漢中太守王升立碑云司隸校尉楊君厥字孟文水經及歐趙皆謂之楊厥碑蜀中晚出楊淮碑云司隸校尉楊君厥諱淮字伯邳大司隸孟文之元孫也始知兩碑皆以厥為語助此乃后政頌其勲德故尊而字之不稱其名順帝紀延光四年詔益州刺史罷子午道通褒斜路蓋從其所請

也子午者長安正南山名褒斜者漢中谷名高祖

開石門史策不書亦見邨閣碑平帝時王莽以皇

后有子孫瑞遂通子午永平之詔史亦闕文安帝

永初元年先零叛斷隴道寇三輔入益州殺漢中

守乃橋梁斷絕時也自明帝永平四年通石門至

永初幾五十年自永初褒斜斷絕至延光四年凡

十五年水經云石門穿山通道六丈有餘即秦人

取蜀之石牛道楊君因而廣之蜀都賦岨以石門

是也門在漢中之西褒中之北褒水南歷褒口北



出斜谷鄧騭傳元二之災注云元二即元元也古  
書字當再讀者即於上字之下為小二字言此字  
當兩度言之后人不曉遂讀為元二或全之陽九  
或附之百六良由不悟致斯乖舛岐州石鼓銘凡  
重言者皆為二字明驗也趙氏云此碑有曰中遭  
元二西戎虐殘槁梁斷絕若讀為元元則為不成  
文理疑當時自有此語漢注未必然也予按漢刻  
如北海相景君及李翊夫人碑之類凡重文皆以  
小二字贅其下此碑有烝烝明明蕩蕩世世勤勤

亦不再出上一字然非若元二遂書為大二字也  
又孔耽碑云遭元二輒軻人民相食若作元元則  
下文不應又言人民漢注之非明矣王充論衡云  
今上嗣位元二之間嘉德布流三年零陵生芝草  
五本四年甘露降五縣五年芝復生六年黃龍見  
大小凡八章帝紀所書建初三年以后龍芝甘露  
之瑞皆同則論衡所云元二者蓋謂即位之元年  
二年也鄧君傳云永初元年夏涼部畔羗搖蕩西  
州詔騭將羽林軍五校士擊之冬徵騭班師迎拜



為大將軍帝紀班師在二年十一月傳有脫字也時遭元二之災人

士荒飢盜賊群起四夷侵畔隲崇節儉罷力後進

賢士故天下復安四年以母病求還侍養則此傳

所云元二者亦謂元年二年也安帝紀書兩年之

間万民飢流羗豹叛戾又與傳同此碑所云西戎

虐殘槁梁斷絕正是鄧隲出師時則史傳碑碣皆

與論衡合建初者章帝之始年永初者安帝之始

年乃知東漢之文所謂元二者如此碑以余告為

詆為抵此為澁蔭為陰遼為寮幣狩為斃獸為

禦縱為跋憊為喜積為積西成為西城南即鬲字

字繼

### 廣漢長王君治石路碑

表

惟右部官國之珍寶衝路危險俠石膽岩缺道人馬

行為民隆宮歷世彊久靡有苗心長廣漢

王君建和二丰冬任掾楊缺攻沿治破壞又從涂口

繇平缺三井間道至別鹽得去危就安功夫凡百餘

日成就通達永傳億歲無窮記



弟子楊子欽奉為佗缺定遠造字缺六

右廣漢長王君治石路碑以一表字題其上洵

志武帝穿漕漂令齊人水工徐伯表注謂巡行而

表記之与此蓋同意王君政治崖路危險去民隆

害標表其事文不滿百在今漢州威宗建和二年

楊子欽所作彌字

武都太守李翕西狹頌

漢武都太守漢陽阿陽李君諱翕字伯都天姿明敏

敦詩悅禮膺祿美厚繼世郎吏為而陷衛弱冠典城

有阿鄭之化是呂三薊符罔殺黃龍嘉禾木連甘露

之瑞動順經古先之呂博愛陳之呂德義示之呂好

憲不肅而成不嚴而治朝中惟靜威儀抑抑智却部

職不出府門政約令行強不暴宣知不訖愚屬縣彭

教無對會之事傲外來庭面縛二千餘人奉穀屢登

倉庫惟億百姓有蓄粟麥五錢郡西狹中道危難阻

峻緣崖俾閣兩山鉞立隆崇造雲下有不測之谿阨

芒促迫財商車驛進不能濟息不得駐數有顛覆

賈隧之固過者創楚惴惴其慄君踐其險若涉淵水



水嘆曰詩所謂如集于木如臨于石斯其殆哉因其  
事則為設備今不圖之為患無已勅衡官有秩李瑾  
掾仇瓘回常繇道造鑿燒破析刻白確嵬滅高就埤  
平夷正曲柙鍤土石堅固廣大可呂夜涉四方允雍  
行人懽懽民歌德惠穆如清風所刊斯石曰  
赫赫明后柔嘉惟則克長克君牧向三國三國清平  
詠歌懿德瑞降豐稔民呂貨種威恩竝隆遠人賓服  
鑿山浚瀆路呂安直繼禹之迹亦世賴福  
建寧四年六月十三日王寅造時府

必右扶風陳倉呂國字文寶  
故府掾孟字

右武都太守李翕西狹頌在成州今之階成興鳳  
皆漢武都郡也李君治武都橋道前后三處磨崖  
棧險架橋則邨閣鑿崖治路則西狹天井此碑靈  
帝建寧四年刻彼兩碑皆次年刻者歐得其一趙  
得其二天井一碑是時未出南豐曾子固跋此碑  
云翕與功曹史李旻定策勅衡官掾仇審治東阪  
有秩李瑾治西阪鑿燒火石人得夷塗作頌刻石  
其文有二所識一也其一刻於四年六月十三日



壬寅其一是年六月

三十日刻今集古之家惟有壬寅一碑李旻定筭碑中不

見天井吏屬却有李旻姓名始知南豐非輕信異聞必是西狹第二碑所載近歲武

都樵人斬刈藤葛始見石上有天井刻字倚崖縛

架椎拓甚艱寺僧或以惡木蔽晦日后碑恐有此

患碑以蒟為剖芒為窄隧為墜

悞為踊植為殖惠即惡字

### 李翁陂池五瑞碑

黃龍 白鹿 木連理 嘉禾 甘露降 承露人

君昔在陂池脩峻欵之道德治精通致黃龍白鹿之

瑞故圖畫其像

右李翁陂池五瑞碑李君昔治陂池臻此瑞物及

西狹磨崖因刻於前非碑陰也陂池有二般屬洪

農郡

### 李翁析里橋郵閣頌

惟斯析里處漢之右溪源漂疾橫柱于道涉秋霖漉

盆溢缺漏瀉波滴沛激揚絕道漢水送讓稽滯商旅

路當二州經用衿沮沮縣士民或給州府休謁往還

恒共日晷行理咨嗟郡縣所苦斯谿既然郵閣尤甚

緣崖鑿石竅隱定柱臨深長淵三百餘丈接木相連



號為萬柱過者慄慄載乘為下常車迎布歲數千兩  
遭遇隕納人物俱降沈沒洪淵酷烈為禍自古迄今  
莫不創楚於是

大守漢陽阿陽李君諱翕字伯都以建寧三年二月

辛巳到官思惟惠利有以綏濟聞此為難其日久矣

嘉念高帝之開石門元功不朽乃俾衡官掾下辨仇

審改解危殆即便求隱析里大槁於今乃造校致致

堅字缺二互巧雖昔魯斑亦莫擬象又醴散關之漸漂

送朝陽之平燠減西字缺二高閣就安寧之石道禹道渠

江河以靖四海經記厥績文康萬里臣字缺三勒石示

後乃位頌曰

字缺四降茲惠君克明俊德允武允文躬儉尚約化流

若神燮氓如字缺三平均精通皓穹三納符銀所歷垂

勲香風有隣仍致瑞應豐稔字缺五樂行人夷欣慕君

靡已乃詠新詩

字缺四子川兌之間高山崔隗子水流蕩蕩地既壻确

子與寢為隣字缺六以析分或共緒業子至巧困貧危

危累卯子聖朝閔憐髦文究字缺五救傾子全



育缺遺劬勞日稷子惟惠勤勤黃邵朱龔子蓋系四缺

字充贏子百姓歡欣僉曰大平子文翁復存

建寧五字缺二月十八日癸下缺

時衡官字缺三仇審字孔信

從史位字缺四字漢德為屯頌

故吏下拜字缺三子長書屯頌

時石師南字缺四威明

右析里橋邨閣頌隸額今在興州靈帝建寧五年

立后西狹碑一歲別有數行刻書撰人及石師姓

名歐公謂遭遇隕納及醜散關之嶄嶄歐誤作嶄潔涉朝

陽之平慘刺畫完而莫詳其義或是用字假借案

碑言閣道危殆車乘注還人物俱墮則隕納謂墜

淵也慘即燥字醜與釋全太史公書皆狀楊著碑

醜榮投蔽景君碑農夫醜耒之類是也其云劬勞

日稷蓋用穀梁子曰下稷之文壺臺費鳳碑亦有

之碑以橫柱為橫注益溢為溢溢行理為行李厥續為厥續崔隗為崔鬼禍即禍字

桂陽太守周憬功勳銘

桂陽太守周府君者徐州下邳人也諱憬字君光體



性敦仁天姿篤厚行興閨門名缺州里舉孝廉拜尚

書侍郎遷汝南固始相遂拜桂陽廼宣魯衛之政敷

二南之澤政以德綏化猶風騰撫集烝細缺綏有方

進則貞直退則錯柱崇舉濟濟吉土士充朝招訓缺

蒙開誘六蔽君子道長小人道消信感神祇靈瑞苻

缺嘉穀生於野竒草像蓬蒿異相之樹超然連理於

此缺時邦域惟寧郡又與與南海接比商旅所臻自

瀑亭至乎曲紅壹由此水其水源也出於王禽之山

山蓋隆字缺三 方天泉肇沸踊發射其顛分不離散為

十二川彌陵隄阻企阜錯連隅陬靡藹未由駢焉爾

乃貫山鑽石經字缺四 揚爭怒浮沈潛伏虵龍蛭屈澧

隆鬱洩干渠萬澮合聚谿澗下迄安甌六瀧佗難湍

瀨涇涇泣云潺湲雖詩稱百川沸騰高岸為谷深谷

為陵蓋莫若斯天軌所經惡得已改其下注也若奔

車失轡狂牛無縻缺勿流忽臚睦不相知及其上也

則羣輩相隨檀柁提缺唱號慷慨沈深不前其成敗

也非徒喪寶玩墮珍竒替珠貝坏象犀也往古來今

變甚終矣於是府君思夏后之遺訓缺應龍之畫

康澤 卷第四 百



傷行旅之悲窮哀由人困厄感蜀守冰殒絕犁雕嘉

夫昧淵永用夷易迺命良吏煥帥壯夫排積厝石投

之窳字缺二高填下鑿截回曲彌水之邪性順導其經

脉断碾溢之電波弱陽疾之汹涌由是小溪乃平直

大道允通利挹布貿絜交易而至升涉周旋功萬於

前除昔字缺二樹峯於茲雖非龍門之鴻字鴻績亦人君

之德宗故胎字船人嘆於水渚行旅語於涂陸孔子曰

禹不決江踈河吾其魚矣於是熹平三季歲在攝提

仲冬之月曲紅長零陵重安區祉字景賢遵承典憲

宣揚德訓帥禮不越欽仰高山乃與色子故吏龔其臺

郭蒼龔維等命工擊石建碑于瀧上勒銘公功傳之

萬世垂示無窮其辭曰

乾以剖兮建兩儀劉采分兮有險夷咨中巒兮穆崔

嵬嘆衡林兮獨傾虧增陵峭兮甚隘崎鮫莫涉兮禹

不規仰王禽兮又崑崙俯瀧淵兮怛以悲岸參天兮

無路溪石縱橫兮涿洄洄波隆隆兮聲若雷或抱負

兮以從利或追思兮有赴義泥自捐兮有不避缺躬

軀兮於玄池委性命兮於芒緇惜寒慄兮不皇計忽



隨深兮殆忘歸懿賢后兮發匪聖英閉不通兮治斯

谿麋巨石兮以湮填開坳促兮導曲機推六瀧兮弱

兮散其波威怒定兮混瀾瀾息聊啾兮逝

兮蛟龍滅睦老唱兮臚人歌名嗣卉兮

超踰倫今稱缺兮耀深沙功斐斐兮鏡海裔君兮君

壽不訾

右神漢桂陽太守周府君功勳之紀銘隸額周君

名憬自固始相為桂陽守碑云熹平三年歲在攝

提仲冬之月曲經長區祉與色子故吏建碑于瀧

上蓋靈帝甲寅年也茲水發源王禽山千渠萬漕

下湊六瀧舟楫過之若奔車失轡狂牛無縻喪寶

玩流象犀積有日矣周君思夏后龍門之績感李

冰離堆之事排治湍梗人得利涉故紀其功勳銘

辭全逼騷雅有瓠子歌遺意韓退之詩云南下樂

昌瀧險惡不可狀者即謂此也樂史寰宇記云瀧

上有太守周昕廟今碑在韶州張九齡廟中其名

尚隱隱可辯蓋憬字也予嘗侍親度嶺留英州其

郡東亦有瀧問之云彼處壤沃宜稻而山甚高峭



僅有鳥道負擔者不可下土人斬竹為簾以器貯  
 米實其上俟雨至澗通隨飛瀑魚貫而下注于深  
 潭入水底始再出碎于石者什五六謂之瀧如此  
 碑以塵藹為壅過犁雕為  
 犁堆小溪路後皆為蹊

周憬碑陰

故曲紅長零陵重安區祉字景賢故舍涯長南郡郎  
 蒼陸字缺夏故湏陽守長南平丞長沙漢昌塞祗字  
 宣節故行事耒陽攀憂字漢威故荊州從事曲紅龔  
 其至字少謙故荊州從事曲紅郭蒼字伯起故荊州

事柳王鼎字季尼故南部督郡曲紅龔雒字缺然故

吏曲紅鄧音字孝直故吏曲紅朱隲字義德故吏曲

紅張源字子才故吏曲紅龔達字缺通故吏曲紅黃

部字琦尼故吏曲紅周盖字伯嘗故吏曲紅黃晏字

子齊故吏曲紅馬珪字元序故吏曲紅潭承字寧升

故吏曲紅劉鵠字季產故吏曲紅黃祺字缺仁故吏

曲紅周習字仲鸞故吏曲紅劉越字子省故吏柳褚

禧字缺讓故吏耒陽蔡缺字已明故湏陽左尉零陵


泉陵字缺三故吏湏陽劉明字仲缺故吏湏陽左勝字



仲升故吏湏陽左蘇字妙舉故吏湏陽宋頌字子張  
故吏舍滙堯禹字公利故吏舍滙張邵字寧威故吏  
舍滙黃詳字伯節工阡南陽宛王邈字子彊

右周憬碑陰宰曲紅者一人貫曲紅者十六人熊  
君碑亦全兩漢書皆作曲江諸家地理書皆云水  
流屈曲故曰曲江唯水經云縣昔号曲紅山之名  
也前書工女大功皆只同用紅字未知水經何所  
據也

隸釋卷第四



隸釋卷第五

橐長蔡湛頌

滎陽長潘乾校官碑

梁相孔耽神祠碑

成陽令唐扶頌

巴郡守張納功德叙并陰棗令劉熊碑并陰

橐長蔡湛頌

君諱湛字子德河內脩武人也其先缺周封缺封缺二

葉文王采食蔡缺五字剔其氏麻世卿尹有功王室迄

于大漢繼踐繁隆內任台翼外作股肱元初之缺三字

擾攘君考銜詔東掃其難宰化缺符守吳郡再在缺二



字復牧青州胤聲所加字缺三帝愛樹之美湛剔其中

子也少耽七典字缺二碩材字缺二州郡名寶鄉黨辟州

從事上字缺三舉孝廉以疾辭讓應司徒府除廣川長

公事去官復辟大尉以熹平四奉六月乙卯詔書除

字缺四政也躬清絜以草穢班五禮以齊眾官剔不勞

民亦懋事於斯字缺二孝翁習而帥字缺三蕭滌而雲消

爾乃來幽秀於巖列嘯字缺二於閭閻欽耆賢以缺命

缺齊信以殊禮字缺三良缺足而思節為惡迎化而移

心缺風清和而琬琰時雨應氣而投間嘉祥臻字缺四

生年穀豐儲歲有其成遠鄰附就戶口增前視事三

年遷高邑令吏民追思如字缺三朝夕思焉夫播禮以

正信少律以擿姦穢為而稱治溫溫有功缺飛陶唐

氏其孰能字缺三乎鄭產密豹之徒殆不及矣蓋良君

興遺愛缺民栞銘樹今之通義也於是吏字缺三粟

尹等相與合會立碑起頌刊斯石焉

其辭曰

穆穆蔡君國之後細應禮字缺二不降其光乃就台鼎

廣足高缺協英公門褻職是望缺賦廣川不挫其芳

康澤



乃旋色厲更迹惟良舒羽來臨我國是煌靡缺不

网禔不通民用寧缺風信以康三載勲取功登王府

命作高色臨拜州缺吏民追思乃銘其叙昭示缺裔

亦孔之表君德含洪有君子道四焉

聖朝明哲以爵寵賢光和四年十二月甲詔書拜

并州刺史

光和四年七月七日丁字缺二

若漢故彙長蔡君之頌隸額在真定有陰靈帝光

和曲年立蔡君名湛治彙三載而遷高邑吏民思

其惠政故栗尹等共刊斯石頌后又志其并州之

除蓋續書也碑以盪為湯飛為非麻即歷字希即布字鼎即則字屢即厲字禔即禱字

漂陽長潘乾校官碑

蓋漢三百八十有七載字缺三于字缺二銘功著斯金石

昇誄曰漂陽長潘君諱乾字元卓陳國長平人蓋楚

大傅潘崇之末緒也君稟資南缺之字缺四德之絕操

鬚髦缺敏缺學典謨祖講詩易剖演奧藝外覽百家

衆缺挈聖抱不測之謀秉高岳之介屈私錫公即仕

佐上郡位既重孔武超箸疾惡義形從風征暴執訊



獲首除曲阿尉禽姦戔猶闕息善歡履旅竹之廉蹈  
公儀之絜察廉除茲初廣清肅賦仁義之風缺三之

迹猨化放虜岐周流愛雙虜缺二親取寶智進直退

憲帑政優優令儀令色獄鞫呼噉之冤樹鞫叩匈之

結矜孤頤老表孝貞節重義輕利制戶六百省無正

繇不責自畢百姓心歡罔不共實於是遠人聆聲景

附樂受一厘既來安之缺設三季惟泮罔之教反缺

俗之禮構脩學罔罔齷招德既安且寧干侯用張墮

豆用瞰發波有的雕罔缺閑鍾磬縣兵方肯樂焉乃

佗叙曰翼翼聖慈惠我葬蒸貽我潘君平茲漂陽彬

文赴武扶弱抑彊缺刈骸雄流惡顯忠咨疑元老師

取佗朋脩學童罔琢質繡章寔天生德有漢將興尚

旦在管我君存今缺此龜艾遂尹三梁永世支百民

人所彰子子孫孫卑介熾昌

丞沛國銍趙勲字夢伯左尉河內汲董竝字公防右

尉孺童南昌程陽字孝遂

時將佗吏名戶暫掾楊淮議暫掾李就議暫掾栢檜

戶曹史賀缺從掾位侯祖主記史吳超門下史吳訓



門下史吳翔門下史時球

光和四年十月己丑朔廿一日己酉造

右校回之碑隸額靈帝光和四年漂陽為其長潘

君作紹興十三年漂水尉喻仲遠得之固城湖中

碑今在漂水縣潘君名乾自曲阿尉來宰漂陽興

學宮講賓射碑頌所由作也其間用字刻者其刀

賢去其貝干戾用張者周礼士以三耦射豸戾大

射礼用干字尚且在管者似謂太公周公也碑以

黎卑為俾從即送字屢即厲字樂即垂字智即智

字退即退字櫛即野字賈即責字莫即蔓字所即

### 梁相孔耽神祠碑

君諱耽兄弟三人君家長厥先出自殷烈殷家者質

故君字伯本初魯遭亡新之際苗胄析離始定茲者

邇尉賜以來君少治礼經遭元二軼軻人民相會舞

土茅茨躬采菱蕩消刑瘦脂且養其親慈仁質楠精

靜誠信天授之性飛其學也治產小有追念祖母故

舞魂構於是君乎竭凱鳳且惆悵惟慕儀且愴悵恃

闔郭藏造佗堂宇增土種柏孝心達寔平石上見祀



地有頃復止放龍羅之雉救窮禽出厄小弟升高遊  
志畜積道富財貧君引共居卅餘年雖賦姓如義合  
故天應厥證木生連理成體一焉下則同人上則洪  
茂馨卓流布縣請署主簿功曹府招稽議君將烏程  
沈府君表病委職署君行事假殷孰長印黻捻領文  
書率踰皓首縣車家巷黃髡老背有胎表孫息敖  
姚驩樂壽考觀金石之消知萬物有終始圖千載出  
洪憲定吉北於天府目覩五匠出所營心欣悅於所  
處其內洞房四通外則長廡功賦合出世萬日先和

五季歲在壬戌夏六月訖成於此行夫君子欽美舍

諤如頌曰

君之德兮性自然蹈仁義兮履卦純愬隱至兮神地

存皇垂象兮木理連矜鳩獸兮放舍旃享黻榮兮景

彌宣達情性兮覩未然永億載兮傳功勳刊石祠兮

示詰賢子得述父臣得錄君故紀焉時君年七十二

習詔承詔紀行手自注石治師同縣朱適朱祖并位畜郭

右漢故行梁相事碭孔君出神祠隸額靈帝光和

五年立在亳州永城縣孔君名耽梁國古碭郡也



郡將沈君表病委職故耽假穀孰長而行相事謂  
 之碣孔君之神祠者其祠在碣也此碑筆法頗古  
 怪其文又自左而右數行之后字畫頓小其末又  
 有小字數十叙孔君之年及其子歷官与石工姓  
 名孔君有孝友之行致神蛇木連理之祥白首退  
 休驩樂壽考其文云定吉兆於天府觀工匠之所  
 營心欣悅於所處又有子得述父之句則是孔君  
 自作壽藏而厥子刊石也吳雄置卒史碑有孔子  
 十九世孫麟廉文學掾蘇師憲戶曹史覽又史晨

碑有五官掾暢功曹史淮守廟百石讚副掾綱故  
 尚書立又韓勅碑陰有逆事樹太尉掾凱百石恢  
 處士方朝巡汎儀甫此有耽颯凡二十人孔氏譜  
 皆不著以聖人之后見之碑刻尚如此况它人乎  
碑中軾作軾形作形飛作非敲作紱胎作台卦作  
 朴愬作惻從字有作從者此碑以逆為迦蓋省文  
 也窳即最字菜即采字字即字字寔即寔字廿音  
 入世音悉盍切卅音息入切漢碑俱用此數字

漢成陽令唐扶頌

君諱扶字正南潁川郾人也其先出自慶都臧赤龍  
 生堯王有天下大號為唐治致靡熹尊天重民禪位



虞缺光受第土通天三統苗胄枝分相土脉居曰氏  
唐爲累坂含柱受天之怙消嗣彌光爲漢台輔君父  
孝廉郎中早卒季父蜀郡蜀郡從弟會稽會稽從弟  
南陽君從兄東萊大守南陽弟司空公在朝透隨正  
色竭忠爲國討暴六戾俱封受土龍爵金縉十三君  
繼厥緒少有岐嶷耽道好古敦書咏詩綜緯河雒底  
究羣典弋紂士進守舞陽丞弱冠守昆陽尉潁陽令  
隱練州郡所臨有迹迹帝嘉其德特拜郎中察能治  
勳除豫章鄖陽長夷粵掄摠強難化君舊威颺武

視曰好惡變絡振疊稽賴師服

缺

上前逋千有餘萬

盜賊衰息境界晏然三載有成州郡諍表遷成陽令  
承先醒之知軌見讚像之高蹤遂興無為之治優賢  
颺靡表善紬惡遵九德曰綏民崇晏晏之惠康風移  
俗易莫不革心朝有公卓家有參騫分邦之治優隆  
於君追惟堯德廣被之恩依陵亳廟造立授堂四遠  
童冠樞衣受業著錄千人朝益莫習術術閭閻尼父  
授魯曷曰復加虛禔瑞應木連理生白芡繁鳩遊君  
園庭蕩蕩之治莫能名焉三司察功朝廷審真曰君



威恩竝流文武兼興東萊海濱湏君呂寧詔書換君  
 昌陽令吏民慕戀士女惟艱捺掌君車輪不得行君  
 臣流涕道路琅玕迫有詔命靡由復還於是故從事  
 仲字仲投張躬萬龍督邛仲規郡掾閭葵缺仲璿處  
 士王缺董頌閭葵斑等乃共刊石樹頌歌君之美其  
 辭曰赫赫唐君帝堯之苗氏族不一各任所安本同  
 末異蓋謂斯焉君體煥炳有芬有馨如山如岷嵩如  
 不傾如缺如海澹如不盈惟直如夫矢秉銚據衡左  
 朝肅肅閨門雍雍廉踰伯紉絜如珪璋賦政于外爰

及鬼方匪夷來降寢賊迸亡黎庶攸寧黔首歡康呂  
 德綏撫宣恩六陽呂仁恤弱呂義抑彊恩由春夏威  
 如秋霜賞罰分罔白黑著明憂者閔稚不侮寡矜眈  
 樂道述咀嚼七經五六六七訓導若神接下施與投  
 財如捐吏服其德民歸其恩父父子子君君臣臣不  
 師自舉不拘不煩囹圄空虛國無佞民德及草虫澤  
 流無埋蝟飛蠕動咸賴我君顯顯令稱德音常存  
 光和六年二月壬午朔廿五日丙午處士閭葵斑戀  
 念唐君為立碑缺斑字宣高脩春秋嚴氏大子讓公



謙齋斑菜次龔尉謙治尚書毆陽次廉仲絜小夏侯  
耽經史兮履仁義內和陸兮外衮卦呂家財兮讚君  
號諸學缺兮相埤助垂後政兮不之譽

右漢故成陽令唐君頌篆額在濮州雷澤縣有陰  
唐君名扶穎川人由舞陽丞昆陽尉穎陽令入拜  
郎中出為鄆陽長自成陽令換治昌陽色人慕戀  
恩惠至於泣攀其車轍既行之后處士閻葵斑等  
共立此碑靈帝光和六年也首云承先聖之洪軌  
見讚像之高蹤又云造立授堂四遠童冠摳衣受

業著錄千人朝益莫習術術閭閻尼父授魯曷以  
復加又云歡樂道術咀嚼七經五六六七訓導若  
神所叙誨學之事其詳如此蓋溧陽潘君校官碑  
之類也授堂者講授之堂五六六七者用曾點冠  
者童子之文也司空者名珍熹平二年自太常拜  
中常侍唐衡之弟也延熹中衡與宦官共誅梁冀  
受封世謂之五侯即討暴俱封事也匪夷者匪澤  
之盜也朝有公卓即孟公綽也家有參騫以參為  
參即曾閔也庶踰伯尉即夷齊也分陝則反夾為



邾此用字之異者又有題名云成陽令穎川穎陰高諱某成陽丞廣陽副史珍瑋寶蓋是刻於碑首

之旁者

拂掩音如布戶不順理也碑以諍為爭黎為黎述為術陸為睦埤為禪受即受

### 巴郡太守張納碑

巴郡大守都亭侯張府君功德叙

君諱納字子郎勃海南皮人也其先

字缺二

之胄立姓

定氏應天文像炎漢龍興笛戾維幹枝藎滋布竝極

爵秩君之曾祖暨其先考軌迹相繼俱

字缺三

州追侔

昔人平顯其光鍾美積德寔乃毓君膺大雅之淵姿

循丞丞之孝友綜覽賁典靡古不通察孝廉除郎中

尚書侍郎夙宵在公匪懈巧職遵日陵寔句令親病

去官念

字缺二

復義章海內辟司空司徒府厲

字缺二

引

股桓弗就復辟大尉舉高第拜侍御史迪謨彌諧密

靖王室楊州寇賊陸梁佗難五府表君中丞督

字缺二

武汾沅所向禽殪日不移晷收功獻捷省息錢穀還

充府帑朝以

字缺四

駮震剖符守任綏慰駮散

字缺二

表

者証克大勳丙子璽書封都亭侯姬公曲阜尚父營

企周啓厥

字缺五

自君到官也勤思乾乾

字缺二

暇會菲



身約儉鳩時若麗清踰公儀絮如素絲旌甄秀異抽

拔孤字缺五以內照外貪饕革悔女缺二遐刑無斧鉞

之周行無拘絀之人胸忍蠻夷滔天蠢動乘虛唐突

字缺五忿缺斯怒爰整干戈席字缺二既搏則有獲羣醜

惴怖絕迹幽竄字鎮集乖離俾寧業宇邱澹凍餒八缺

字賦出梁益頻年字缺二杼柚其空汧流轉漕轂恒輸

沮戊申詔書騰前付異道迥且艱潮字缺六上乞如舊

常童雖得字缺二家不行哨然愍悼民亦勞止繇是辭

疾闔閭委政中闕殷慈養之字缺七之怨故大尉掾王

字缺二府丞李元掾史張勤黎景馮經趙中母俊蒲勝

猶潭等庶慕奚斯字缺二之義共論叙紀著休烈刊二缺

字頌其辭曰

字缺四薦生我君姿兼申甫字缺二帥典稽古正始

順元允恭肅恪唯禮是遵乃訓五品殷敦左寬舍五缺

字乾化其潤如雨其主字缺二既循沮桓導我以文且

澍霖暴建此武勛四竟宥謚群庶艾安童諳字缺三德

慕思昔在邵伯今也復字缺三穆矣卓爾超倫考骨令

問光乎憲年



右巴郡太守都亭侯張府君功德叙靈帝中平五年立今在巴州張君名納勃海人碑云立姓定氏應天文像蓋謂二十八舍有張宿其不經與柳敏碑同張君為郎中尚書侍郎甘陵寬句令侍御史揚州賊作以中丞督捕封都亭侯碑有殘缺不見守巴郡事蓋在胸忍蠻夷蠢動之下此碑乃掾屬李元等為之碑陰各書曹掾之職而不稱故吏則是張君在郡之日所立

碑以汾沅為紛紜以澹為澹以哨為哨以沮桓為沮

豆以意為億賁即墳字態即懈字畏即曩字冢即冢字

### 張納碑陰

益州從事宥渠李元字次公行承事從掾位江州然存字元父主簿江州白文主記掾閬中黃機錄事掾江州王翦上計掾安漢趙瓌議曹掾宥渠李思議曹掾胸忍扶古議曹掾江州上官延議曹掾安漢陳阜議曹掾枳楊本文學主事掾任穆從掾位閬中嚴晏從掾位閬中楊虵從掾位宥渠馮譽從掾位宥渠李竝文學掾閬中周籟尉曹掾安漢缺昕金曹掾宥渠缺林漕曹掾安漢缺業法曹掾江州缺洽集曹掾江州



缺 玄兵曹掾江州 缺 岑比曹掾江州 缺 盛功曹史宥

渠 缺 經詩事掾宥渠 缺 訓文學掾江州 缺 阿詩事掾

充國 缺 直詩事掾枳負 缺 詩事掾枳張 缺 詩事掾宥

渠 缺 敏詩事掾枳章 缺 詩事掾安漢王業文學主事

史閻中張榮奏曹史江州董國奏曹史宥渠沈徐戶

曹史宥渠李舍戶曹史韜江龔祖戶曹史充國李鬲

戶令史韜江宋曹史獻曹史宥渠咸平辭曹史江州毋

龜辭曹史安漢陳佺賊曹史充國肯遺賊曹史江州

然雄賊曹史平都張恃賊曹史宥渠曲肖右賊曹史

枳牟梁決曹史宥渠王安右金曹史安漢范謀左金

曹史宥渠王褒左倉曹史充國楊徐右倉曹史江州

尹裴左漕曹史安漢曹巳右漕曹史韜江田岨法曹

史江州愠益右集曹史江州張南右兵曹史韜江夏

晉比曹史充國何鐔中部智郵安漢陳膺南部智郵

閻中王湯臨市掾閻中趙應領校安漢長江州上官

旦中部案獄閻中弘有府後替盜賊枳李街文學史

江州鈇遷守屬江州丁盛守屬江州謁恭守屬安漢

郭興守屬充國誰將守屬宥渠李平守屬充國王可



守属安漢楊連守属安漢邠升

中平五年三月上旬書君升台祚承大百福子孫千

億

右張納碑陰題名七十有四人從事及丞則書其  
字主簿以下掾史並書名蓋一郡之吏也主記掾  
錄事掾上計掾各一人文學主事掾史各一人從  
掾位四人文學掾二人史一人議曹掾五人法曹  
集曹比曹史各一人金曹漕曹掾各一人左右史  
亦如之尉曹掾一人詩事掾七人功曹獻曹決曹

左倉曹右倉曹史各一人奏曹辭曹史各二人戶  
曹史三人戶令史一人賊曹史四人左賊曹史一  
人中部南部督郵各一人監市掾一人領校安漢  
長一人中部案獄一人府後督盜賊一人守属八  
人其分職置吏如是其衆且詳也漢世郡縣吏開  
敏有材者上之人可以察舉達而為公卿無所碍  
故人知自愛重犯法今日唯以鞭笞用事宜乎廉  
恥汨喪也

酸棗令劉熊碑



君諱熊字孟缺廣陵海西人也厥祖天皇大帝垂精

接感薦生聖明缺仍其則子孫亨之分源而流枝葉

扶疏出王別胤受爵列土封侯載德相繼不顯缺五

光武 皇帝之玄廣陵王之孫俞鄉侯之季子也誕

生照明岐嶷踰絕長缺四 柴守約履勤體聖心叡敦

五經之瑋圖兼古業覈其妙行脩言道缺五 宜京夏

莫不師印六籍五典如源如泉既練州郡卷舒委隨

忠貞缺效官缺三 出省揚土流化南城政猶北辰衆

星所從三祀有成來臻我邦循東缺之惠抑缺禮官

賞進廣頑約之以禮博之以文政敦始初慎徽五典

勤恤民殷缺心顧下缺二 仁恩如冬日威猛烈炎夏

貪究革情清脩勸慕德惠潛流鬯芳旁布允愍縣缺

濟濟之儀孜孜之踰帥廣後學致之靡泮草上之風

莫不嚮應悅誨日新缺二 素七業勃然而興咸居

今而好古雖未盡道善必有所由處民之秉彜寔我

劉父其人魯無君子斯焉取旃允我劉父言善誘人

講禮習聆匪徒豐學屢獲有年缺載克成神民協欣

兩不相傷故德友歸焉自古在昔先民有位洪勳則



甄盛德缺刻表諸來世垂之罔極哀賢表善揚幽拔

徹式序左位量能授宜官無曠事缺二為正以卒為

更愍念丞民勞苦不均為位正彈造設門更富者不

獨逸樂貧者缺順四時積和感賜歲為豐穰賦稅不

煩寔我劉父吏民愛若慈父畏若神明悔缺令德清

越孤竹德年產竒誠宜哀顯照其憲則乃相缺咨度

諏詢采撫謠言刊缺詩三章其辭曰

清和穆鑠寔惟乾以惟鬱降靈篤生我君服骨齟聖

况鍾厥醇誕生岐嶷言恊缺墳懃德震耀孝行通神

動履規繩文彰肅續成是正服以道德民

有父子然後有君臣理財正辭東帛戔戔缺夢刺像

霍鳴一震天臨保漢寔生缺勲明試賦授夷夏已親

嘉錫來撫潛化如神其神伊何靈不傷人

猗歟明哲秉道之樞養缺之福惟德之偶淵乎其長

渙乎成功缺暇民豫新我缺通用行則達以誘我邦

賴茲劉父用說其蒙澤零年豐黔首歌頌

右酸棗令劉熊碑篆額右一行微有棗令劉字則

知所題非十即八也碑云出省楊土流化南城三



祀有成來臻我邦則酸棗非始仕之地碑美其勤  
恤民隱恩威並行帥厲后學善誘日新至叙力役  
之事尤詳其辭云以卒為更愍念烝民勞苦不均  
為作正彈造設門更富者不獨逸樂貧者得順四  
時積和歲豐賦稅不煩可見劉君茲事尤為民便  
故百姓以劉父稱之碑之所以作也以卒為更之  
上有為正二字而闕其餘董仲舒云月為更卒已  
復為正小民安得不困注云更卒謂給郡縣一月  
而更者正卒謂給中都官者西京更有三品後雖

改易官不得人則害常自若也水經云酸棗城有  
縣令劉孟陽碑今碑損其一字歐陽公不知碑在  
酸棗元以名其官遂謂之俞鄉侯季子碑趙氏云  
光武子廣陵王荆以譴死李利涉編古命氏云荆  
生俞鄉侯平生彪鬣封據此熊當為彪之弟然  
則於光武乃其曾孫而曰玄孫碑之誤也唐王建  
題此碑詩云蒼苔滿字土埋龜風雨消磨絕妙辭  
不向圖經中舊見無人知是蔡邕碑元祐中蘇邁  
書胡戡之語謂此與劉寬碑同建詩為不誣予謂



此固漢隸之上品似非中郎筆法其文有云七業  
 勃然而興咸居今而好古其詩則曰有父子然後  
 有君臣文律如此難以謂之絕妙辭也碑以專為  
 享殷為隱  
究為亢踰為諭偶為隅  
 鶴在鳴上省文作雀

劉熊碑陰

故徵試博士下缺故華長蘇真下缺華長戴燿下缺故上計  
 掾下缺故郎中許弘下缺寵三百故兖州從事仇審季下缺  
 三百故下缺事君仇方孟飭三百故外黃守令尹松大  
 德五百故雍丘守令李保世德三百故雍丘守令下缺

穆元憲三百故外黃守令李卓卓異三百故守東昏

長蘇勝德陽二百故五百掾王暹宜孟二百故雍丘

守令王習赫河三百故督郵左位宣高二百故督郵

李瑯景德二百故督郵李激景臺二百故督郵蘇翔

山甫二百故督郵楊茂季曾二百故督郵顏亮光祖

二百故郡曹史李豫妙高二百故郡曹史顏詩惠祖

二百故郡曹史楊寯世直二百故郡曹史王仁公直

二百故郡曹史王貢下缺臺二百故郡曹史蘇寧寧下缺

二百故郡曹史仇惟彦成二百故郡列掾李表憲臺







百從掾位左宜扶風二百從掾位景殖祠敬二百從掾位張除祠缺二百從掾位張臨字缺二百從掾位

李榮彦德二百從掾位左脩敬祖三百從掾位宋蓋季甫三百從掾位馬萌子明二百從掾位陳揖文讓

二百從掾位彭來祠祖二百從掾位擗橫公節三百處士宋缺仲博三百處士許宗文祖二百處士李相

成祖二百處士王鳳德升三百處士焦鳳德皇二百處士顏缺子禮五百處士尹官彦高二百處士蘇位

雲臺五百處士李勝子才二百處士紀珪孝范三百處士董悝彦臺五百處士蘇瑋孔彦五百處士屈孔

子瑋三百處士李紉奉和三百處士字缺彦宜五百處士尹茂孔才四百處士尹瑋彦璜五百處士尹缺

德橫五百處士殷郁缺德二百處士李礼公儀三百處士邵畱孔才五百處士崔鵠孝才五百處士字缺

昭明三百處士殷經德明三百處士雄桐景直五百處士韓庠元序五百處士尹愷孝讓五百處士尹雄

雲臺二百處士許將彦榮五百處士王缺德讓五百處士殷智彦直五百處士殷沉元像二百處士楊商



子翼三百處士蘇豔彦公三百處士桃詩彦雲五百

處士馬儀彦周三百處士馬郡彦朝五百處士公二缺

字雲五百處士曹長顯才五百處士字缺二仲章五百

處士字缺三博五百處士王鍾字缺璜五百處士馬順德

缺三百處士字缺四五百處士樊字缺下處士字缺下處士蘇恩

公字缺五百處士蘇穆公字缺臺百處士字缺二德字缺二百

處士杜字缺彦璜五百處士左儀德祖二百處士張字缺

子讓五百處士張字缺元表三百處士字缺四三百處士

杜字缺子惠五百好學尹字缺下二百好學韓彫子字缺二百

好學魯庠子序二百好學李泉字缺二百好學閻仲

科明二百好學誠字缺二閻二百好學張章子章二百

好學寢高彦高二百好學雄就子成二百好學江字缺

敬臺二百好學毛邵字缺和二百好學焦寄子据二百

好學李恭敬讓二百好學宋茂彦字缺二百好學宋寧

萬歲二百好學稽詳子季二百好學趙穉景字缺二百

好學張武彦成二百好學焦方子政二百好學字缺下好

學字缺下好學蘇字缺下好學許礼文耀字缺已下石好學程當子

缺好學李墨子字缺好學李仲科仲好學尹朝子字缺好



學字缺子缺好學左重彦松好學李漢子漢好學李

恭子缺好學尹佺字缺二好學衛阿子缺好學江真子真好

學趙缺子賢好學李墅子墅好學字缺二吉甫好學張

侶缺好學擗缺子和好學李周子周好學王福子

祿好學翟馮子缺德行蘇倉子盈缺好學缺好缺好

缺好缺

右劉熊碑陰其可見者百八十人不書郡邑皆酸

棗人也其稱故華長故雍正令之類則邑之薦紳

大夫也其稱故邵文學故智郵之類則嘗吏於郡

者也其稱逆掾位則酸棗之吏而不稱故吏則可

見劉君之左官也處士之后有好學四十餘人必

泮宮之后進以處士為文人行者其間有德行一

人必是嘗貢孝察廉者



隸釋卷第五







